

Načelnik Novog Sarajeva Nedžad Koldžo Nećemo ustuknuti pred ucjenama

Za četiri godine realizovano 430 projekata • Nastavak realizacije velikih projekata • Nerealna obećanja protukandidata

Kao aktuelni načelnik Općine Novo Sarajevo, s ponosom ističem preko 430 realizovanih projekata.

- Kontinuiranim radom poboljšali smo saobraćajnu infrastrukturu, izgradnjom novih saobraćajnica i novih parking-mjesta, te sanacijom i rekonstrukcijom starih saobraćajnica. Unaprijedili smo komunalnu infrastrukturu i tako postali jedina općina u BiH koja ima u potpunosti regulisani primarnu kanalizacionu mrežu. Sanirali smo objekte kolektivnog stanovanja sa više od 60 stambenih jedinica. Izgradnjom ambulante i prostorija mjesne zajednice u Velešićima omogućena je kvalitetna primarna zaštita stanovnika ovog naselja. Posebnu pažnju posvetili smo oplemenjivanju zelenih površina, sadnjom novih sadnica, ugradnjom novih klupa, korpi za smeće, niša za kontejnere, česmi, te izgradnjom šetnica.

Veliki projekt!

S ciljem stvaranja sportskog prostora za djecu i omladinu, izgradili smo nekoliko sportskih igrališta, sanirali pomoćno igralište na Grbavici, izgradili i rekonstruisali brojne parkove, a najveći projekt je svakako višenamjenska, savremena sportska dvorana na Grbavici kapaciteta od 2.500 do 3.000 gledalaca. Uspostavili smo Centar za zdravo starenje Novo Sarajevo za osobe treće životne dobi, prvi ove vrste u regionu, pišta Koldžo.

U posljednjih šest godina u BiH prednjačimo po najvećem broju stipendija koje dodjeljujemo redovnim učenicima i studentima, nadarenim sportistima, te djeci bez oba roditelja.

U narednom periodu naši prioriteti za čiju realizaciju smo ispunili sve preduvjete su projekt Južne longitudinale i ronda, izgradnja ambulante na Hrasnom Brdu, rekonstrukcija objekta Pionirski centar "Boško Buha" namijenjenog našim najmlađim sugrađanima,



Koldžo: Stop beskrupulznim uzurpatorima tude imovine

Foto: D. TORCHE

realizacija projekta izgradnje bazena zatvorenog tipa u naselju Hrasno, uređenje sportsko-rekreativne zone Park - šuma Hum, razvijanje mreže centara za zdravo starenje izgradnjom novog centra u Velešićima.

Načelnik Novog Sarajeva i kandidat za tu funkciju na predstojećim lokalnim izborima iz SDA kaže kako je ponosan na činjenicu da su općinske službe uvijek poštivele važeću legislativu, bez obzira na pokušaje pojedinaca da nauštrb društvenog interesa provedu neprovedivo. Koldžo ističe kako je ponosan što ga prozivaju oni koji svojim kriminalnim radnjama nisu ostvarili svoje ciljeve.

- Ovih dana to konkretno čini firma Avanti, koja je falsifikovanom dokumentacijom pokušala izigrati zakonske propise i na taj način ostvariti svoj lični interes. Nažalost, radi se o prljavoj kampanji koja je zasnovana na ucjenama i pritiscima beskrupulznih uzurpatora. U slučaju Avanti u nadležnoj općinskoj službi već dugi niz godina vodi se postupak, o čijoj zakonitosti svjedoči originalna dokumentacija. Koldžo dodaje da će u slučaju vodenja bilo kakvog krivičnog postupka ista biti dokaznim materijalom.

Zbog ovakvih i sličnih slučajeva

odlučno poručuje: da će i dalje istrajavati na putu zadovoljenja pravde, pravičnosti i zakonitosti jednakako kako je to činio i do sada, da neće ustuknuti pred ucjenama i pritiscima beskrupulznih uzurpatora tude imovine, da neće štedjeti energiju da sve poštene građane zaštiti od kriminala, te će, kao i do sada, nastaviti provoditi princip zakonitosti i jednakosti za sve građane.

Nerealni protukandidati

Što se tiče protukandidata na izborima, očito je ne samo da ne poznaju nadležnosti općine već apsolutno ne znaju ni čitati budžet ni usvojene strateške dokumente. Nisu se udostojili ni informisati šta je sve realizovano kao ni planirano, pa su u svojim predizbornim kampanjama massovno neargumentovano kritikovali rad općine, hvalili se da će realizovati ono što smo mi već uradili ili obavili sve pripreme za realizaciju, obećavali da će uraditi ono za šta su do sada već imali priliku kao vijećnici ili uposlenici drugih izvršnih organa. Lažima i obmanama su pokušali pridobiti biračko tijelo ne računajući da će jednog dana za sve urađeno polagati račune građanima, kaže Koldžo.